



Emanuel Nuko  
Inatsisartut Allattoqarfiat  
inatsisartut@inatsisartut.gl

## Naalakkersuisut Kangerlussuarmut pilersaarutaat pillugit § 37 naapertorlugu apeqquteqaammut 2022-070-imut akissut

17-05-2022  
Suliap nr.: 2022 - 7012  
Id. nr. 775527480

Asasara Emanuel Nuko

Inatsisartut suleriaasianni § 37 naapertorlugu Naalakkersuisut Kangerlussuarmut pilersaarutaat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### 1. Naalakkersuisut qanoq pilersaaruteqarpat Mittarfissuit Nuummi aammalu Ilulissani atulerpata Kangerlussuaq qanoq ingerlanneqassanersoq?

*Akissut:* Kangerlussuarmi mittarfiup atuinnaarsaa pillugu Illersornissaqarfimmu 2019-imi septembarip 18-iani tunngaviumik isumaqatigiissut malillugu Naalakkersuisut suli sulipput. Aammattaaq Qeqqata Kommunia peqatigalugu Kangerlussuup siunissaa pillugu suleqatigiissitaliap 2022-mi ukiup affaani siullermi sulini naammassissallugu naatsorsuutigaa. Tamatuma saniatigut § 37 naapertorlugu apeqquteqaammut nr. 2021-183-imut akissut innersuussutigineqarpoq.

### 2. Sapaatip akunneranut qasseriarluni timmisartorsuarmik Kangerlussuarmiut orninneqartassapat?

*Akissut:* Mittarfittaam ammarpata Kangerlussuup Københavnillu akornanni Air Greenland timmisartumik ilaasartaammik angallassisarunnaassasoq naatsorsuutigineqarpoq. Kangerlussuarmut allatigut qanoq timmisartuussisoqartassanersoq maannakkut ilisimaneqanngilaq.

### 3. Ilaasut qassit ukiumut Kangerlussuarmut tikillutillu aallartarpat?

*Akissut:*

Takuuk takussutissiaq matuma kingulianiittoq:

Kangerlussuaq	2018	2019	2020	2021
Tikittut	154201	154888	74861	23682
Aallartut	154115	156473	75858	95382
Katillugit	308316	311361	150719	119064

Najoqqutarisaq: Mittarfeqarfiit

#### **4. Innuttaasut Kangerlussuarmi najugaqartussat mittarfissuit atulerpata qanoq amerlatigissappat?**

*Akissut:* Innuttaasut namminneq kissaataat, suliffissatigut periarfissaat nunaqarfiullu siunissami ineriartortinneqarnissaa apeqqutaassammata, apeqqu akineqarsinnaanngilaq. Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat, 2018-imi Inatsisartuni akuerineqartoq, malillugu Naalakkersuisut sulipput.

#### **5. Takonarissat qassit ukiumut Kangerlussuarmut tikittarpat?**

*Akissut:*

Akissuteqaat matuma kingulianiittoq Visit Greenland-imiit ilanngussat ilanngullugit suliarineqarpoq.

Naatsorsueqqissaartarfik paasissutissanik sukumiisunik, unnuisarfii ataasiakkaat qassinik tikeraartoqarsimaneranut unnuisullu amerlassusiinut takussutissiinnaasunik saqqummersitseqqusaanngilaq. Taamaattumik taamaallaat nunap immikkoortuini unnuinernut kisitsisit saqqummiunneqartarput.

Taamaattumik Kangerlussuarmut kisitsisinik nutartikkanik eqqoqqissaartunik soqanngilaq, tassami taakkua Qeqqani nunap immikkoortuanut, Sisimiut, Kangerlussuup aamma Maniitsup ilaaffigisaannut, ataatsimoortuni kisitsisini tamanna takuneqarsinnaanngimmat.

Taamaattoq Visit Greenland taamanikkut takornariartitsinermi kaaviiartitat qanoq annertutiginersut paasiniarlugu, 2016-imi Qeqqata Kommunia suleqatigalugu Kangerlussuarmi takornariartitsisartut akornanni misissuinermik suliaqarpoq. Inerniliusaq tassaavoq, Kangerlussuarmi takornariat unnuineri 27.000 missaannik amerlassuseqarsimasut. Taamaattoq tikeraat amerlassusaat eqqoqqissaartoq pissarsiarineqarani. Kalaallit Nunaanni takornariat unnuinerisa agguaqatigiissillugu amerlassusaat unnuinerit 3-t missaanniimmat, 2016-imi Kangerlussuarmi unnuisarfinni takornariat 9.000-it missaasa unnuisimanerannut tamanna naapertuuppoq. Tamatuma saniatigut ulloq ataaseq takornariat angalaarnissanik pisisarsimapput, kisianni ulloq taanna ingerlaqqillutik aallartarsimallutik, aammalu takornarianik silami unnuisoqartarsimavoq. Tamakkiisuutitsineq aallaavigalugu Visit Greenland naliliivoq 2016-imi takornariat 10.000 missaanniissimasut. Taakkua naatsorsueqqissaarnikkut uppersagaanngillat, missingersuinerinnaallutik.

Kangerlussuarmi timmisartunut ilaasunik nalunaarsuineq, Danmarkimeersut ilanngullugit nunanit allaneersut timmisartumut ilaasut aamma takornarianik ilaqartut amerlassusaannut tunngassuteqartoq, takornarianik missingersuinissamut atorneqarsinnaanngilaq, tassami ilaasut amerlanersai nunap immikkoortuiniit Kalaallit Nunaanniit aallariartornerminni aqqusaaginnartarmata.

Taamaattoq Visit Greenlandimut paasissutissiisoqarpoq, Albatros Arctic Circle-p umiarsuarmut takornariartaammut ilaasunut 5.000-6.000 missaannik amerlassusilinnut ukiut tamaasa angalaarnerit aqqusaarnerillu (timmisartup attartukkap aamma umiarsuit takornariartaatit akornanni) suliarisarai.

Ilisimatusarnermut tunngasunik peqarsinnaavoq, matuma siuliani ilaatinneqanngitsunik, tassami taakkua UNTWO<sup>1</sup> naapertorlugu aamma takornariatut nassuiarneqarmata. Taamaattoq ilisimatuut angalariaasii allaanerupput, aammalu takornariamut nalinginnaasumut agguaqatigiissillugu unnuut 3-t unnuisartumut sanilliullulgu, unnuisarnerit sivilisunerusarlutik.

Taamaattumik Kangerlussuarmi takornarianut kisitsisinik eqqortunik ataatsimoortunik Naalakkersuisut saqqummiisinnaanngillat, kisianni matuma kinguliani allassimasut tunngavigalugit amerlassusaat pillugu pingaarnertigut taasisoqarsinnaavoq.

#### **6. Mittarfeqarfimmi sulisut qanoq Kangerlussuarmi amerlatigissappat Nuuk ilulissallu ammarpata?**

*Akissut:* Kangerlussuarmi Mittarfeqarfimmi sulisut qassioqqissaarnissaanni suliffeqarfiup pissutsinut nutaanut naleqqussarnissaa apeqqutaassaaq. 2018-imi upernaakkut ataatsimiinnermi mittarfiliortiternissaq oqaluuserineqarmat, suliat naatsorsuutigisamik annikillinissaasa kingunerisaanik, Kangerlussuarmi mittarfimmi atorfiit ikilissasut aalajangiinnermi ilimagineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen

---

<sup>1</sup> UNWTO: "United Nations World Tourism Organization", tassaavoq Naalagaaffiit Peqatigiit ataanniitqoq, takornariartsisarnermik suliaqartoq.